

književnost a naročito bosansko-hercegovačku koju neizmjer-  
no voli, pa tada objavljuje i svoje poglede na radove Safet-  
bega Bašagića, Hivzije Bjelaveca, Agana Bostandžića, Sudžuke  
i dr. Objavljuje "Prilog poznavanju Ibh Haldunovog djela",  
genijalnog filozofa, historičara i sociologa iz XI vijeka.

Na zahtjev Akademije nauka i umjetnosti BiH obradjuje i pi-  
še bibliografiju radova objavljenih u Gajretovom listu za  
37 godina. To djelo ostaje nedovršeno skoro pri kraju, a  
prilikom njegove iznenadne smrti, na njegovom radnom stolu  
stajali su složeni rukopisi bogate bibliografije radjene  
stručno i naučno sa ustrojenom i pedantno složenom kartote-  
kom. U njegovoj zaostavštini ima i prevoda sa francuskog je-  
zika, što nije stigao srediti i objaviti. Teško je sve iz-  
reći o ovom skromnom čovjeku, koji je čitavi život radio tiho  
i nečujno, a iznad svega volio čovjeka.

Slava i hvala drugu Enesu Muftiću!

Derviš Kurtović, geodeta

### IN MEMORIAM

#### NEDIMU ŠAHINPAŠIĆU, GEODETI U PENZIJI

Nakon kratke ali teške bolesti 27.II 1976.g.  
umro je u Sarajevu Nedim Šahinpašić, geodeta u  
penziji.

Vijest o njegovoj smrti bolno je odjeknula i  
duboko potresla kako njegovu najbližu rodbinu  
tako i sve one koji su ga poznavali kao dob-  
roga i plemenitoga čovjeka.



Kolega i drug Nedim Šahinpašić rođen je 1.XI 1908.godine  
u Rogatici. Osnovnu školu pohađao je u Rogatici, a gimna-  
ziju i Geodetsku tehničku školu u Sarajevu i Beogradu gdje  
1930.godine diplomira. Drug Nedim Šahinpašić pripada onoj  
plejadi geodetskih stručnjaka koji su prvi počeli raditi na  
stvaranju modernog katastra zemljišta u Srbiji. Tako odmah  
nakon školovanja stupa u državnu službu bivšeg Ministarstva  
financija u Odjeljenju katastra i državnih dobara radeći na  
terenskim premjeravanjima u raznim mjestima Srbije.

Sudbonosni julski dani 1941.godine zatiču druga Nedima Ša-  
hinpašića u Bijeljini. Zbog svoga antifašističkoga stava i  
ponašanja postaje sumnjiv ustaškim vlastima. Početkom 1943.  
godine ustaške vlasti hapse druga Nedima Šahinpašića te  
provodi više mjeseci u zatvorima u Brčkom, Vinkovcima, Osi-  
jeku i u Tuzli gdje mu sudi ustaški prijevki sud. Vrativši

se u Bijeljinu septembra 1943.godine odlazi u NOR te ga odmah postavlja za načelnika Majevičkog odreda.

Početakom 1946.godine kolega Nedim stupa u službu Ministarstva poljoprivrede Vlade NRBiH u Sarajevu gdje je postavljen za šefa agrarno-tehničkog odsjeka.

Odlikovan je ordenom zasluga za narod III reda 1949.godine.

Iz Ministarstva poljoprivrede 1951.godine prelazi u državno preduzeće za geodetske radove "Georad", a 1952.godine u Geodetsku upravu NRBiH dok je 1.I 1962.godine premješten u novoformirani Geodetski zavod gdje radi sve do svoga pensionisanja i 1.I 1966.godine odlazi u zasluženu mirovinu.

Kao rutinirani stručnjak i rukovodilac postizao je vidne uspjehe u prenošenju iskustava na mladje kolege.

Životno djelo kolege Nedima Šahinpašića ostati će trajno sačuvano kao primjer kako se treba boriti i raditi na izgradnji našeg socijalističkog samoupravnog društva za ciljeve revolucije.

Kolega i drug Nedim Šahinpašić bio je vrlo druželjubiv. On je svojom neposrednošću i iskrenošću prosto plijenio i zadobijao simpatije svih onih osoba sa kojima je prvi puta došao u kontakt.

Svi njegovi saradnici sačuvaće ga u trajnoj uspomeni.

Neka je vječna slava i hvala kolegi i drugu Nedimu Šahinpašiću.

Abdulah Ahmetanović, geometar